

Matumuuna Inatsisartut suleriaasianni § 33, imm. 6 naapertorlugu aalajangiussassatut siunnersuummik matuminnga Naalakkersuisut saqqummiussipput:

Uunga siunnersuut: Aningaasaqarnermik suliaqarneq pillugu inatsisip allanngortinnissaa pillugu § 1-ip ilaanik Kalaallit Nunaannut atuuttunngortitsinissaq pillugu kunngip peqqussutaanut, inatsisaasunillu assigiinngitsunik allanut Namminersorlutik Oqartussat oqaaseqaateqarnissaat pillugu Inatsisartut aalajangiussassaat. (CRD IV-imik atuutsitsilerneq)

(Inuussutissarsiornermut, Suliffeqarnermut, Niuernermet Nunanullu Allanut Tunngasunut Naalakkersuisoq)

Tunngavilersuut

Akiligassarsisitsisarfinnut aningaasaliisartunullu aningaasaateqarnissaq nakkutilliinikkullu piunasaqaateqarnissaq pilugu Kalaallit Nunaannut inatsisissatut siunnersuut pillugu Inatsisartut aalajangiussassaattut siunnersuummut (CRR-imut inatsimmut) ataqatigiissitamik Inatsisartut oqaluuserisassaannik aalajangiussassaannut siunnersuummik Naalakkersuisut saqqummiussipput.

Aningaasaqarnermik suliassaqarfimmi Danmarkimi aamma Kalaallit Nunaanni inatsisaasut ilarujussui nunat tamalaani inatsisaasunik, minnerunngitsumillu EU-mi malittarisassianik tunngaveqarput. Kunngip peqqussutaanut siunnersuutikkut siuertaq tassaavoq aningaasanik suliaqarneq pillugu inatsisip atuuttup nutarsarnissaa, taamaalillutik EU-mi akiligassarsisitsisarfinnut aningaasaateqarnissamillu piunasaqaammut malitassap (CRD IV-p), aamma ilaatitatut peqqussutip (CRR-ip) malitsigisaanik nunatsinni aningaasaqarnermut inatsisaasut naapertuutsinneqalerlutik. Taamaattumik CRR-imut inatsit peqqussullu manna ataatsikkut Kalaallit Nunaanni atuutsilernissaat tunngavigineqarpoq.

Nunatsinni aningaasaqarnermi inatsisaasunik nutarsaaneq manna aningaasaqarnermik suliassaqarfimmi nunat tamalaani kingusinnerpaamik inatsisaasunut naapertuutsitsilissaaq. Nunatsinni aningaaserivinnut tatiginnissutsimik nukittorsaassaaq, taamaalillutik unammillersinnaassusermik atugassiillutik suliffinnut inunnullu aningaasaliinermik neqerooruteqartuarsinnaassallutik. Nunatsinni aaqqissuussineq nunat tamalaani inissisimaffimmiinngippat nunatsinni instituttinik taarsigassarsiisartut aarleqqutaasinnaasunik nalilersuinerannut sunniuteqassaaq, taamaalillunilu inuussutissarsiorfiummut, namminersorlutik oqartussat suliffeqarfiutaannut atuisartunullu taarsigassarsianik akitsorsaaqataassalluni.

Peqqussummut siunnersuutip imarisai

Aningaasaqarnermik suliaqarneq pillugu inatsimmut allannguutit peqqussutip matuma atuutsiligai CRR-mi peqqussummi aalajangersakkat atornissaannut pisariaqarput (CRR-imut). Folketingimi inatsit nr. 268, 25. marts 2014-imeersukkut, peqqussutip matuma Kalaallit Nunaannut ilaannakortumik atuutsiligaanut aningaasaqarnermik suliaqarneq pillugu inatsimmi arlalinnik allannguuteqartoqarpoq.

Tamatuma siornatigut 2010-mit siumullu aningaasaateqarnissamik piumasqaateqarneq pillugu malittarisassiat (CRR aamma CRD IV) 2014-imeersuni aningaasaqarnermik suliaqarneq pillugu inatsimmi Kalaallit Nunaannut atuutsinneqalinngitsunik arlalinnik allannguuteqartoqarpoq. Taamaattumik aningaasaqarnermik suliaqarneq pillugu inatsimmik, peqqussut nr. 838, 14. august 2012-imeersumik, peqqussullu manna tikillugu Kalaallit Nunaannut atuutsitsilernissaq pillugu peqqussummit kingullermi akunniliuussaasutut inatsisit Kalaallit Nunaannut atuutsilersillugit atuutsitsilerneq ilutigalugu peqqussutip atuutsilernissaa siunnersuutigineqarpoq.

Peqqussutikkut matuminnga ilanngunneqartutut aalajangersakkani nutaani arlallit Kalaallit Nunaannut kunngip peqqussutaatigut atuutsinneqarsimasunut aningaasaqarnermik suliaqarneq pillugu inatsisaasuni atuuttuni aalajangersakkanut akerliussapput. Taamaattumik akunnerani inatsisaasuni aalajangersakkat akerliusut taamaattut atorunnaarsinneqassapput. Kingunerisatut UKA 2015-imi aningaasaqarnermik suliaqarfiusumi inatsisinik allannguiffigisanik allanik taakkunani arlalinnik kunngip peqqussutaatigut atuutsinneqartunut tunngasunik oqaaseqaateqarnissaq pillugu Inatsisartut aalajangiussassaannut siunnersuutinik Naalakkersuisut saqqummiussissapput.

Kalaallit Nunaannut immikkut pingaaruteqartunik peqqussummi immikkoortut pingaarnerit tassaapput:

Tamarmiusumut pingaarutilittut aningaasarsorfiusutut institutti (SIFI) (Systemisk vigtigt finansielt institut)

- Kalaallit nunaanni aningaaserivinnik, ajornartorsiulissagunik inoqutigiinni, suliffeqarfinni nalinginnaasumillu inuiaqatigiinni aningaasaqarnermut annertuunik killup tungaanut kinguneqarsinnaallutik angissusilinnik (SIFI-nik) toqqartuinerit. Siunertaq tassaavoq SIFI-p ajornartorsiulernissaanut aarleqqutip annikillisarnissaa, taamaattoqalissagaluarpallu inuiaqatigiinnut naalagaaffimmullu aningaasartuutissat annikillisarnissaat.

Aningaaserivinnut realkreditinstituttinullu aallartitaqarnermut aningaasaateqarnissamut piumasqaat

- Aallartitaqarnermut aningaasaatigisassat 8-mit 5 mio. euromut piumasaqaatip allanngortinnera, taamaalilluni CRD IV-mi allassimasutut piumasaqaat assingulissalluni.

Tunngaviusumik aningaasaatigisanik naatsorsuisarneq pillugu malittarisassiat (aningaasaatigisanik tunngavigisat)

- CRR-imut peqqussummi najoqqutassanut aalajangersakkanut naapertuutsitamik ataasiakkaanut akiliisinnaassutsimik pisariaqartitsinerup naatsorsornissaa pillugu malittarisassiat (ICAAP).

Aningaasaatigisani akimmequtissanut piumasaqaatit

- Ataasiakkaanut aamma isumannaallisakkamik tunngaveqartumik aningaaseriviit, realkreditinstituttit fondsmæglerselskabillu aalajangersimasut ataqatigiissitamik aningaasaatigisani akimmequtissanut piumasaqaataasumik naapertuutsitsinissaat siunnersuutigineqarpoq. Ataqatigiissitamik aningaasaatigisani akimmequtissanut piumasaqaatip tunngaviusumik aningaasaatigisavitsigut naapertuutsinneqassaaq. Ataqatigiissitamik aningaasaatigisani akimmequtissanut piumasaqaat aningaasaatigisanut tunngavigisassatut minnerpaamik aningaasaatigisassatut piumasaqaatip aamma ataasiakkaartunut akiliisinnaassutsimik piumasaqaataasumut ilaliunneqassaaq.

Saqqummiussat aarleqquteqartutut pingaartuutitat naatsorsornerinut imaluunniit tunngaviusunik aningaasaatigisassatut piumasaqaatinut suliffiup iluani periutsinik atuinissamut akuersissutigisanik nakkutilliineq

- Saqqummiussat aarleqquteqartutut pingaartuutitat naatsorsornerinut imaluunniit tunngaviusunik aningaasaatigisassatut piumasaqaatinik suliffiup iluani periutsinik atuinissamut piumasaqaatinik aningaaseriviup naapertuutsitsiner Aningaasaqarnermut Aqutsisoqarfiup nakkutigissavaa.

Aningaasatigut matussusiiinissamut siunertanut (IRB-mut) niuerfigisanik suliffiup iluani nalilersuinerit, kiisalu najoqqutassatut periusissiaq aamma taarsigassarsiatigut aarleqqutaasup annikillisinissaa malilugit naatsorsuinerit

- CRR, Kalaallit Nunaannut inatsisikkut atuutsilissasutut siunnersuutigineqartoq IRB-mik periusissiamut teknikkikkut najoqqutassanik 14-inik, kiisalu taarsigassarsiatigut aarleqqutaasumut nalinginnarmik tunngasunut teknikkikkut najoqqutassanik arfinilinnik EU-Kommissionip atuutsitsilersinnaaneranut inatsimmi najoqqutassamik imaqarpoq. EU-Kommissionip teknikkikkut najoqqutassanik atuutsitsilernerata nassatarisaanik annertussusilittut pisariaqartunik erseqqinnerusunik malittarisassianik Aningaasaqarnermut Aqutsisoqarfiup aalajangersaanissaanut inatsisitigut peqqusut najoqqutassiivoq.

Tamarmiusumut pingaarutilittut aningaasarsorfiusutut instituttinut (SIFI-nut) akiliisinnaasutsimut matussusiinissamut piumasaqaammik eqqussineq

Akissarsiaqartitsinissamut malittarisassiat

- Suliffeqarfiup aarleqquteqartitanik iliuuseqarnikkut ilisarnaataanut annertuumik sunniuteqartunik suliaqartartunut sulisartunut aalajangersimasumik tunngavigisatut akissarsianut naleqqiullugu akissarsiat allanngorartitat annertussusissaannut killilersuinissaq peqqussutikkut siunnersuutigineqarpoq.

Toqqartuisartutut ataatsimiititaliaq, aamma siulersuisutut atorfiit amerlassusaannik killilersuineq

- Suliffeqarfiup isumannaatsumik ingerlanneqarnissaata qulakkeernissaanut siulersuisut tamarmiullutik ataatsimoorussatut ilisimasassanik, piginnaassutsinik misilittakkanillu naammattunik peqarnissaata qulakkeernissaanut aningaasalerinermik suliffeqarfimmi siulersuisut pisussaaffeqarnissaat pillugu siunnersuut piumasaqaammik eqqussivoq.

Aarleqquteqartitanut ataatsimiititaliaq

- Aningaaserivinni børsimi nalunaarsugaasunut imaluunniit 1.000-it sinnerlugit sulisoqartuni aarleqquteqartitanut ataatsimiititaliap pilersinnissaa pillugu piumasaqaatip eqqunneqarnissaa siunnersuutigineqarpoq.

Whistleblowerinut aaqqiissutit

- Peqqussutikkut aningaasalerinermik suliffeqarfimmut whistleblowerinik (oqajamaasaarnermik) aaqqiissutissanik pilersitsinissaq pillugu piumasaqaatit, aammalu unioqqutitsinerit Aningaasaqarnermut Aqutsisoqarfimmut imaluunniit suliffeqarfimmi whistleblowerinik aaqqiissutinut nalunaaruteqarnerit nassatarisaannik naleqqutinngitsumik iliuuseqarfigineqarnissamut imaluunniit naleqqutinngitsunik malitseqartitsinissamut inerteqqutit eqqunneqassapput. Peqqussut aningaasaqarnermik suliaqarfiusumi malittarisassianik unioqqutitsinermik suliffeqarfimmik Aningaasaqarnermut Aqutsisoqarfimmut nalunaarutiginnissimasoq inuk pillugu inummut paasissutissanik Aningaasaqarnermut Aqutsisoqarfik ingerlatitaqaqqissannginneranik aamma nassataqartitsivoq. Taamaalilluni Aningaasaqarnermut Aqutsisoqarfiup nakkutigisaanik suliffeqarfiup inatsisaasunik unioqqutitsineranik inummut nalunaaruteqarsimasumut inummut paasissutissat allagaatinik ilisimasaqarsinnaatitaanermut ilaasuunnginnerannik siunnersuut nassataqartitsivoq.

Inunnut inatsisitigut timitalittullu allaffissornikkut iliuusereriikkamut kingunerititaqarfiusunik tamanut saqqummiussaqaarneq

- Inunnut inatsisitigut timitalittullu aalajangersakkanik erseqqinnerusunik nalunaarsukkanik unioqqutitsinermut akisussaasunik allaffissornikkut iliuusereriikkamut kingunerititaqarnernik, tassalu unnerluussutinik inassutinillu Aningaasaqarnermut Aqutsisoqarfiup nittartagaani tamanut saqqummiussaqaarsinnaaneq peqqussutikkut siunnersuutigineqarpoq.

Aningaaseriviit, realkreditinstituttit fondsmæglerselskabillu aalajangersimasut stresstestiinik (qasusuissuseqarnermut misiliisarnernik) inernerisanik Aningaasaqarnermut Aqutsisoqarfiup tamanut saqqummiussinera

- Aningaasaleraluni suliaqarneq pillugu inatsimmi aalajangersakkap ilanngunneqarnissaa siunnersuutigineqarpoq, taamaalilluni stresstetit inernerisaanik Aningaasaqarnermut Aqutsisoqarfik tamanut saqqummiussisinnaalerluni.

Pilersitseqqinnissamut pilersaarutit

- Aallaaviatigut aningaaseriviit tamarmik pilersitseqqinnissamut pilersaarusiortarnissaat siunnersuutigineqarpoq. Ingerlassaq pillugu malittarisassiat erseqqinnerusut, aammalu pilersitseqqinnissamut pilersaarummut piumasaqaatit nalunaarummi aalajangersarneqassapput.

Nipangiussisussaassutsimut aalajangersagaq

- EU-mi nunani ilaasortani aammalu – erseqqinnerusumik piumasaqaatit nalunaarsukkat aalajangersimasut atorlugit – nunani isumaqatigiissutit avataanniittuni isertuussanik paasissutissanik oqartussaasunut, aningaasaliinermik qularnaveeqqusiissutitut aaqqissuussanut, sulianik ilisimasalinnut il.il. naak sakkortusisamik nipangiussisussaassuseqartoqaraluartoq Aningaasaqarnermut Aqutsisoqarfiup ingerlatitaqarsinnaaffiinik pisunik ilaliussanik arlalinnik ilanngussaqaarnissaq ilaatigut inatsisissatut siunnersuummi siunnersuutigineqarpoq.

Ilisimatitsinissamut pisussaaffiit

- Kunngip peqqussutaanut siunnersuutikkut ukiumoortumik nalunaarusiami paasissutissat saniatigut paasissutissanik akulikinnerusumik itisiliinerusumillu tamanut saqqummiussisarnissaq pillugu piumasaqaateqarnissamut Aningaasaqarnermut Aqutsisoqarfik periarfissinneqassasoq siunnersuutigineqarpoq.

Suliffissuarnut malittarisassiat isumannaallisaanerlu

- Siunissami Kalaallit Nunaanni inatsisikkut atuutsinneqassasutut siunnersuutigineqartumit CRR-ip nassatarisaanik, imaluunniit kunngup peqqussutaatigut Kalaallit Nunaannut atuutsinneqalersumik aningaasaqarnermik

suliaqarneq pillugu inatsisip nassatarisaanik Kalaallit Nunaanni aningaasaleralutik suliaqartunik suliffissuit aningaasaatigisatut tunngavigisamik piunasaqaateqarfiusalissapput.

Tamarmiusumut aaqqissutit annertusiartornissaannik naapitsiniarluni sukaterutaagallartussanut periarfissat

- Nunatsini inatsisaasuni artikel 458-p atorpeqarsinnaaneranut kunngip peqqussutaata inatsisitigut tunngavigissaq piviusunngortissavaa. CRR-imi artikel 458 suliaqarfinni toqqartukkani CRD IV/CRR-imi nalinginnaasumik piunasaqaatinut naleqqiullugu aningaasaqarnermik suliaqarfiusumi inuiaqatiginni aningaasaqarnermi aarleqqutunik pingaarutilinnik annertusiartortussanik naapitsiniarnissaq siunertaralugu annertunerusunik nalinginnaasunik piunasaqaatinik aalakjangiussaqaqarallarsinnaanermik periarfissiivoq. CRR 458-mut naapertuuttumik nunami namminerimi sakkortunerusunik pineqaatissiissutit atornissaasa aalajangiussinnaanissaannut Erhvervs- og vækstministeri pisinnaatitaassaaq. Kalaallit Nunaanni sukaterinerit atuutsitaalernerit sioqqullugit Kalaallit Nunaanni Namminersorlutik Oqartussat tusarniaavigineqassapput.

Peqqussutip imarisaanik itisiliinerusumik nassuiaatit eqikkaani, ilanngussaq 1-imi sukumiinerusumik nassuiaanermut innersuusseqqittoqassaaq.

Aningaasaqarnikkut kingunerisinnaasai

CRR-imut peqqussutip aamma akiligassarsisitsisarfinnut aningaasaateqarnissamillu piunasaqaammik malitassap (CRD IV-ip) piviusunngortinneri inuussutissarsiuutigisaqartutut sulialinnut tunngatitatut teknikkikkut inatsisiliornertut pingaarnerutillugu suussusersineqarsinnaapput. Nunatsinni aningaasaqarnermik immikkoortoqarfimmik inatsilersuinermut tunngatillugu nalornissuteqarnerup nassatarisaanik pisortanut, inuussutissarsiorfinnut innuttaasunullu pingaarutilinnik killup tungaanut aningaasaqarnikku kingunerisassanut aarleqqutaasumik akiuussinnaassuseqartutut siunnersuut nalilersugaavoq.

Attaveqaqatigiinneq

Soqanngilaq.

Tusarniaaneq

Siunnersuut 15. april 2015-imit 1. maj 2015-imut tusarniaassutigalugu nassiuunneqarsimavoq. Tusarniaaneq siunnersuummi oqaaseqaatinik ilanngussaqaarnissamut pissutissaqartitsisimanngilaq. Tamanna sioqqullugu immikkut ittumik itisiliiffiinerusumik Grønlandsbankenimik tusarniaasoqarsimavoq.

Taamatut oqaaseqarnikkut akiligassarsisitsisarfinnik aningaasaliisarfinnillu aningaasaatinut piumasaqaatit aamma nakkutilliinikkut piumasaqaatit pillugit Kalaallit Nunaannut inatsisissatut siunnersuut Kalaallit Nunaannut atuutsinneqassanerani Namminersorlutik Oqartussat akuersissuteqarnissaannik Inatsisartut aalajangiissasut Naalakkersuisut inassutigaat.

Ilanngussat:

- 1) Aningaasaqarnermik suliaqarnej pillugu inatsisip allanngortinnissaa pillugu inatsimmi § 1-ip ilaanik, inatsisinillu assigiinngitsunik allanik Kalaallit Nunaannut atuutsitsilernej pillugu kunngip peqqussutaanut siunnersuummik eqikkaaneq. (CRD IV-mik atuutsitsilernej).
- 2) Aningaasaqarnermik suliaqarnej pillugu inatsisip allanngortinnissaa pillugu inatsimmi § 1-ip ilaanik, inatsisinillu assigiinngitsunik allanik Kalaallit Nunaannut atuutsitsilernej pillugu kunngip peqqussutaa. (CRD IV-mik atuutsitsilernej).
- 3) Akiligassarsisitsisarfinnik aningaasaliisarfinnillu aningaasaatinut piumasaqaatit aamma nakkutilliinikkut piumasaqaatit pillugit Kalaallit Nunaannut Inatsisissat allanngortinnissaanut siunnersuummut, aamma aningaasaqarnermik suliaqarnej pillugu inatsisip allanngortinnissaa pillugu inatsimmi § 1-ip ilaanik, inatsisinillu assigiinngitsunik allanik Kalaallit Nunaannut atuutsitsilernej pillugu kunngip peqqussutaanut siunnersuummut tunngatillugu tusarniaanermut allakkiaq.